

可輕易命推推考當否其於後月議啓○慶尚道觀察使成雲以身病呈  
辭傳曰重任不可輕適其在任調理而行公○壬午 上具戎服幸慕  
華館閱武罷陣後觀文武臣武才○政院啓曰京營庫越邊呈上言者  
成群突入御坐馬少有驚動斜步內乘常時不謹調習故至此請推內  
乘且呈上言者如此紛擾而不能禁止考宣部將請并推呈駕前者自  
上雖命捧之所當退而呈之乃敢衝突走入至為泛濫亦請一切推  
之傳曰內乘部將并行公推考內乘常時非不調習呈上言者突入紛  
擾馬豈不驚乎呈上言者多至百餘人其何能悉推不須推也○下酒  
禁承傳草曰婚禮祭祀老病服藥射候處外執酒一禁云此非如常時  
禁酒之例今年災變凶荒比古尤甚所當各別禁之若不禁射候處則  
依憑縱飲者必多射候處三字其去之○癸未大雨夜自南方至艮方  
白氣布天南方有氣如火○鄭光弼議臣聞白巨鯢情狀過甚故前於  
經筵啓之推考甚當且軍官金仲堅李葉則與僉使同往者故推之至  
如水上下分遣軍官等見主將被殺而亦不即馳救亦為非也臣意  
此人等輕重間亦不可不治其罪也沈貞議今以白巨鯢推考當否下  
問此乃不救臣子思遜事也臣議啓為難但以護喪出來奴子所言之